

四庫全書

集部

欽定四庫全書

集部

古歡堂集

總目  
卷一至  
四

詳校官侍講學士臣法武善

助教臣常循覆勘

總校官庶吉士臣何思鈞

校對官中書臣石鴻勳

謄錄監生臣方汝觀

欽定四庫全書

集部七

古懽堂集

別集類六

國朝

提要

臣等謹案古懽堂集三十六卷附黔書二卷  
長河志籍考十卷

國朝田雯撰雯字子綸一字綸霞號山蘊德州  
人康熙甲辰進士授中書舍人官至戶部侍  
郎是集凡文二十二卷詩十四卷當康熙中

年王士禎負海內重名文士無不依附門牆  
求假借其餘論惟雯與任邱龐塏不相辯難  
亦不相結納塏叢碧山房集格律謹嚴而才  
地稍弱雯則天姿高邁記誦亦博負其縱橫  
排奰之氣欲以奇麗駕士禎上故詩文皆組  
織繁富鍛鍊刻苦不肯規規作常語趙執信  
作談龍錄常議其詩中無人然偏師馳突終  
能自成一隊談藝者弗能廢也附載黔書二

卷其為貴州巡撫時作又長河志籍考十卷  
德州古廣川地隋書避煬帝煒改長河也王  
士禎居易錄嘗稱黔書篇不一格有似考工  
記者有似公穀檀弓者有似越絕書者如觀  
偃師化人之戲然與長河志籍考實皆祖郭  
憲洞冥記王嘉拾遺記之體是亦好奇之一  
證存備文章之別格云爾乾隆四十三年七  
月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

集部七

古歡堂集總目錄

別集類六

國朝

卷一

古雜體

卷二

五言古

卷三

五言古

卷四

五言古

卷五

七言古

卷六

七言古

卷七

七言古



卷八

五言律

卷九

五言律

卷十

五言排律

卷十一

七言律

卷十二

七言律

卷十三

五七言絕句

卷十四

五七言絕句

卷十五

五七言絕句

卷十六

雜著

卷十七

雜著

卷十八

雜著

卷十九

雜著

卷二十

雜著

卷二十一

雜著

卷二十二

雜著

卷二十三

雜著

卷二十四

序

卷二十五

序

卷二十六

序

卷二十七

序

卷二十八

題詞

卷二十九

記

卷三十

記

卷三十一

銘表

卷三十二

銘表

卷三十三

傳

卷三十四

跋

卷三十五

雜文

卷三十六

雜文

卷三十七

雜文

卷三十八

點書上

卷三十九

點書下



卷四十

長河志籍考

卷四十一

長河志籍考

卷四十二

長河志籍考

卷四十三

長河志籍考

卷四十四

長河志籍考

卷四十五

長河志籍考

卷四十六

長河志籍考

卷四十七

長河志籍考

卷四十八

長河志籍考

卷四十九

長河志籍考

金少口及之

總目錄

欽定四庫全書

古歡堂集卷一

戶部侍郎田雯撰

古雜體

古意

高山何峩峩河漢衡其上  
漫歌行路難手中九節杖

日車

日車不轉力士則那  
八變九曲鳴鳴云何

竹吟

青青竹叢中庭朝有鳳皇來夕弄琅玕聲南牕下風泠泠

古釵歎

匣中蘭膏乾古釵泣復歌將釵入懷袖一日三摹挐

酒神

今番祀酒神豚蹄誓不用大呼老劉伶來作酒德頌

詠古四首效西厓體

畫壁

一畫壁伶人驚再畫壁伶人笑  
摒擋汝輩莫顛夸偶爾  
關入宮商調 吁嗟乎詩名千載落人間  
惜少旗亭一

小鬟

牛渚

采石江上一虎吟  
長吟短吟江水深  
牛渚浦秋燈夜  
估客船艤其下  
詠史臨汝郎  
汎月謝鎮西江  
鼉鼓鬣  
風淒淒温嶠當年曾然犀

廓落帶

廓落帶腰下岳賜公幹工文辭 太子一朝借帶去賤  
者之手尊不御 答書藻采真絕倫何妨平視甄夫人

雕龍

雕龍成五十篇駟爽輦多堪憐 雲錦張立車下步兵  
尉非鬻者 佛子拂拭文章塵定林慧地作禪人 少  
小時夢尼父區區沈尚書何須邀一顧

少年行

珊瑚寶玦錦羅瑜十五男兒美丈夫宣武門前調鷓子



西勾橋外走韓廬

悲霧武詠史

大角橫空羽書走斜谷之左褒谷右笳鼓無聲燐火青  
黑雲壓城白日瘦馬箠一揮雪紛紛鵝鴨池上垂功勳  
蔡州未捷元衡死空聞三十六將軍

秋原落日霧武魂狐鼠晝啼鬼夜奔太白窟寒飲戰馬  
袁盎身沒安陵門十郡義軍勢破竹卧內兵符何太速  
細柳風動鈴旗明行笳一聲徧山谷

大雨行咏古

閏五月雨霹靂飛將軍戰縛蠻王歸于闐之玉大宛馬  
十路降旗城皆下班師吹角青海東飲至解甲清晝同  
逆浪風翎雕鷄白歇鞍汗血驂騮紅天狗墮地新鬼哭  
送喜轅門樹大纛是時四郊盡用兵無如此戰兵神速  
將軍意氣不可當天書冊功神揚揚荆襄都護好結束  
彎弓射虎南山旁嗚呼彎弓射虎南山旁安得手挽天  
河洗兵馬萬靈雷雨連扶桑

送馬吟詠古

秦乾道溲沉野羽箭材官南送馬 太僕火印何權奇  
瘴鄉不產龍媒姿 一行五百匹日馳百里農夫剝草  
婦子汲水 健兒來何方官帖十行鞭箠在手戟髯怒  
張 芻豆供給苦不足獵犬鞴鷹飽餘肉送馬者去吏  
索錢農夫鬻牛婦子哭

縲車辭

朝飼蠶暮飼蠶桑樹葉大蠶眠三初長如蟻今成蠶乙

金定四庫全書  
卷一  
乙上簇黃白滿綠車  
咿軋風中轉  
女十五當戶織  
桃夭  
期間消息  
簾幙半垂  
燕雙飛  
打疊新縑作嫁衣

烏衣辭

紅襟燕子來海隅  
不羨王謝依粉榆  
梁間舊壘營巢居  
雙尾掠水連花鬚  
雌雄匝月生四雛  
長齊毛羽烏衣殊  
學避戊己燕  
不愚銜泥偏沾案  
上書  
敗我狐貍曰朱儒

牛宮辭

日將夕牛來歸  
水莎飯牛牛不饑  
黃昏牛卧蝙蝠飛  
雨

濕牛欄生箬衣新築牛宮添兩扉  
丈十加五土墻圍老  
牸充速小犢肥浮鼻過溪鴉鳴柳  
挂書牛角一癯叟

麥鳴辭

大麥黃小麥黃罷亞麥穗牛尾長  
連朝刈麥麥上鳴較  
量一麥三秋彊天無雨麥入倉  
留燕麥克餘糧餉麥鳴  
割一羊

菽乳辭

菽乳白河之湄菽乳熟然豆萁肉  
食者鄙聊復爾爾老

饗云何佳哉鹽豉飽糠粃畧相當萬錢厨嘲何郎誰道  
黎祁美不及大官羊

餅師辭

一日三牢九餅師住東隣老何戲歌聲頻摩詰詩息夫  
人左氏公羊餅肆塵

炙輠辭

智不若樗里子才不如淳于髡炙輠乾我何云

欸乃辭

欸乃情漁父行漁父有戲器畧非一名蒼茫烟水間  
為此欸乃聲我歌來羅歌何已蛙黽之鳴塞兩耳試聽  
雲山韶濩音欸欸雨權蓬窗底

淘井辭

汲少井水清汲多井水渾我欲汲之愁空督井師立脫  
擯鼻禪鉄鍤竹屨手自捫朝煮豆粥夕灌園老農汲長  
心綆短荷蓑獨立井欄晚斜陽在樹一鴻遠

種瓜辭

種麥麥兩岐種瓜瓜五色大斑小青莫輕擲不比苦李  
不可食一摘使瓜稀再摘抱蔓歸露翻雨打風淒淒百  
觚十榼長在手空羨萍實大如斗東陵之瓜美無儔邵  
平元來是故侯

賽神辭

鳳尾槽細腰鼓大巫謠小巫舞婦子跼致祝釐詞豐稔  
勝似上年時一生甍肩酒百壺汗邪甌宴連菁車吁嗟  
鄭俠忽上流民圖十家九家澤中魚



籠蜂辭

屋後白榆風雨響野鶴瓦雀紛來往蜜蜂無數匝枝柯  
兒童貪蜂張網羅黃篋織籠紅幕舉鳧葵遍地花如許  
爾蜂爾蜂釀蜜好嗟乎蜜成蜂已老

采砂謠

大如斗赤如日官府學神仙取砂何太急 囊有砂釜  
無粟奈何地不愛寶產此茶毒 砂盡山空而今烏有  
皂衣夜捉人如牽雞狗 匍匐訟堂堂上大呼弗已誤

我學仙不長生爾當鞭笞至死

淘金謠

淘金戶戶無寧居背上都盧西走巴渝 巴渝田可  
耕依山蓋屋狃豕兩兒女充速一黃犢 苛政十倍橫  
索官錢先賣黃犢後鬻兒女不如巫州歸去涕淚漣漣  
踉蹌入籍淘金猶故楚山高兮沅江深徭村無路

槐花驛火災謠

半夜梟鳴一朝鬼哭神鴉銜火來不知止於誰屋 九

巷十陌杳無一存  
遑問焦頭爛額何如  
曲突徙薪  
吹簫打鼓殺雞屠羊  
不祀祝融古廟但祀凌霄女郎  
父

老前致詞槐花日暮生聚方幾時  
咸陽付一炬天意茫

茫那知其故

俗祀凌霄神女一不虔則立遣火鴉銜火丸置茅屋之上兩翮扇風發火故多火災

### 澗溪水災謠

一橫木兩白鷓黃平水怪十丈強風駭浪作  
伐茅編屋斤竹架樓婦子睡未醒載沉載浮  
東家無歸魂西家一丁存昨日泚夫催祖官牒勾去老蛟不得吞  
婦

子訴耶河伯怒耶 使君來斗米千錢呼籲不足何能

斤竹架重樓暫爾伐茅編矮屋

前三句志怪

相見坡蠻謠四首

上山牢角西復東下山花開一箐紅半滑半乾石當路  
乍晴乍雨笠搖風

干梅纏腰布裏頭猿啼鷓鴣叫四山秋下來千尺商訛放牛

也道固麥

啖餅

呵交

飲酒

好自由

奈此翻漿白汗何趕場大弄日不停梭夕雞坐後嶺望

前嶺雅務難不好行小坡愁大坡

昏下蘆鳴月下跳搖鈴一隊女妖嬈阿蒙父阿字母門

前立果瓮行人來路不遙

赭克兒謔

赤罽纏頭赭克兒睥目瞞腹花覆眉呼之來前雙淚垂  
羸肩斗酒安足辭封豕長蛇噬人者飛土逐穴今在堊  
袖藏匕首口不言漆身為癩吞炭啞

大聲如雷墮天狗匿草澤中那敢後南山有鳥北山羅

六尺呱呱負之走壁谷雲弄江水濱盲風怪雨泣孤臣  
我事誠難子事易公孫杵臼更何人

詠古五首效李西厓體

女兄娑涕淚垂曰弟曰弟無太癡好修姱節空爾為佞  
臣百椒蘭小人一張儀入宮遭妬蛾眉悲寧甘甯武愚  
勿學史魚直事已如此將安之江上有宅可安棲園中  
有葵可樂饑侘際鬱邑弟來思盲風怪雨叫姊歸女兄  
娑涕淚垂

霍霍鼓刀軹井里一上韓庭韓傀死市人不識烈士誰  
自屠出腸無面皮何來一中慟長鬚雙髻綠大呼天者  
三遶市吞聲哭丈夫重意氣性命鴻毛輕妾在何足惜  
忍使吾弟沒令名死政旁女兄嫫

讀書聲在隣舍阿弟來立籬下爾其聽之暗誦者問事  
不休賈長頭淹貫六經恣冥按倜儻大節無匹儔為通  
儒稱經師女兄教五歲時

進姊粥燎弟鬚少小同乳今俱老堂上對泣聲烏烏弟

曰姊疾何時瘳姊曰弟鬚良可惜崦嵫短景時已失雖  
欲長進此粥無多日吁嗟乎勸有女兄兄事之何人曾  
讀鵲鷓詩

旌旗雲擁金川門江沉鐵鎖白日昏帷幄竒謀冠佐命  
桑門上首何須論出家鮮有終薙髮仍披緇一朝歸里  
閨女兄羞見之弟再拜汗浹背王賓來遭詬誅配享祖  
廟事有無報功瀆禮胡為乎未知佛國優曇鉢何似天  
家金唾盂噫嘻姚家女兄真丈夫



留春曲

老柳無力綿飛下鶯坐綠陰如儻舍百勞饒舌春相嘲  
何人可駐流年者桃脂杏粉餘殘粧蝶翅蜂鬚誰主張  
箕畢不靈少風雨甲子再周花命長

宮詞十二首

海曲巫山夢未醒花飛蝶舞敞雲屏依稀濃綠蕉林下  
猶是當時扇子亭

不須紅艷羨奇葩鳳尾香羅寶髻斜最是淡粧多冶態

宮人學插素馨花

傾城顏色產波斯大體雙陳祕戲時賈女應聞成一笑  
世間還有媚豬兒

曼聲一曲恨來遲名曲夜請君王起舞時手劈花牋紅燭

下雪酣春宴譜新詞

檀槽金屑枉嗟吁斗帳濃香夢欲無天寶霓裳音調絕  
才人更進一流珠

袂襪金鞵句已傳紅羅幕下玳牙懸主香宮女焚香夜

三小神山鳳口烟

窈娘秋水兩宮娃  
細帶風搖纓絡斜  
昨夜歌痕新月上  
凌波素鞵蹋蓮花

月華如水錦江春  
宮體初裁樂府新  
本是碧雞坊下女  
同時重見李夫人

大人觀裏劇留連  
山半雲霞作畫仙  
杜宇亂啼絲管沸  
唐師一隊入秦川

摩訶池上晚風吹  
雪扇塗香空自持  
蠅病花殘千載恨

青城妃子是男兒

淚捐花鈿落照時  
白楊風起不勝悲  
生神九卷香魂散  
何處曾來李鍊師

金鳳陪遊複道中  
九龍帳底醉春風  
蓮花山下鴛鴦樹  
不分胭脂濕墓紅

題洪澤湖圖效李賀體

吁噓四海復四海  
九州又九州  
胎簪一拳石  
鴻陂一浮漚  
胡為乎狂躅  
三楚驅使百靈  
滙此洪澤之怒  
流雙懸

于上日月死鼓鬣于下鼉鼉遊水府猙獰產水怪自言  
貌醜逢人羞秦皇不敢圖溫嶠不敢照圖之照之不死  
不休假面妖狸立波上盱眙五酉若有求巫夫一鏢千  
年萬年淮井底壽陽可灌上格下格潼沱溝誰其云者  
兩黃鵠芋羹豆飯謠且謳鋤鬲釜鐵可用者來築室  
無良謀當今神禹在位樅橈並駕大復桐柏之神播笏  
伏地臣職修吁噉蒼水使者心已猶

放歌效鐵崖體

癸未  
生曰

吁噫已矣人生不必萬戶侯又焉用識韓荊州手種山  
蘊八百本成都之系那足數粟里之菊誠堪羞盤皇破  
殼八十一紀水清淺兩丸跳擲簸弄春復秋罡風送我  
落天外瓊田三萬六千頃君房曼倩羣來遊吳剛廁名  
作小戶女媧驅使為輿騶琵琶亂撥雙成戲滄嶼支柱  
崑崙愁騎茅龍佩吳鉤肩拍洪厓裊揖浮丘星精織女  
天上牽牛把任公之釣竿披五月之羊裘效孟郊之寒  
蟲啼號聒兩耳笑屈原之餒糟啜醕茗子休暮惜朝唉

太多事宿醒舊疾從今瘳同峪作歌杜亦苦雌霓有賦  
沈何求徐于欠伸夢忽醒絳人甲子真蜉蝣問天搔首  
掘地埋憂青驢箱貯肥豕瓶收金粟小于粒蓮葉大如  
舟我將蹋崆峒學長生呼鷓鴣斥狎陽侯軒轅之子彌明  
癩且老與爾試看樽桑紅日海西流不則吹笙跨鶴緤  
山頭

呼天行

龜兆坼蟹螺高懸崖百尺屋宇牢八口安堵無飄颻

其雨淫淫河水滔滔田廬汨沒將焉逃  
儵儵者魚烏鵲巢哭聲一路干雲霄  
母未飯兒索乳黃口呱呱不如  
擲之東流適彼樂土雛逝川媪投淵  
賈船坎坎鳴鼉鼓白榆白榆呼蒼天

太倉行

太倉飽鼠無一存一旦圖繪安上門  
料料糠覈愁空簪糲里子少年場  
官為二千石不如陞楸郎剗甲肉  
醫乙瘡張旗吹螺官道旁剗羊無  
益徒堪傷吁嗟乎



往歌來哭夕陽野孤雲兩角何為者

古歡堂集卷一

欽定四庫全書

古歡堂集卷二

戶部侍郎田雯撰

五言古詩

雜詩

鋤地種葵菽汲水灌朝夕娟娟藥欄側雜花更亂植春  
風坼甲黃夜雨滋葉碧呼僮逐烏雀啄食恐狼籍以此  
愜素心何能不愛惜

一燕語檐前一燕立屋梁主人本舊識相狎兩相忘春

泥落中幘野花沾衣裳幾年海上來戀此讀書堂予懷  
亦澹寂愛爾能飛翔

南鄰有高榆榆錢落我屋春鳩相向鳴睨睨噪朝旭吾  
廬可高枕烏啼睡不足綺羅遊廣陌佳人倚修竹俸薄  
無餘資新豐酒莫熟

出郭十餘里荒荒原與隰清波漾遠陂野花夾岸側忽  
遇紈袴兒騎馬好顏色管弦醉芳草鷹鷗弄輕翼道旁  
負薪者見之生歎息

窮巷寡車轍抱琴倚獨樹唯有城西山開軒宛相遇雲  
氣生遙崗螺髻紛無數春泉鳴大壑長松暮歧路烟寺  
鐘磬寂蔓草夕陽暮何時蹤謝客理策前峯去

春草覆荒丘傳是昭王臺昭王不可見黃金安在哉墓  
泉沒長坂駿骨生青苔道傍誰家子揚鞭出塵埃感時  
弄刀環顧盼無嫌猜悠悠郭隗後何人解憐才

荆卿伊何為乃與屠沽友擊筑旁無人悲歌燕市酒送  
客之秦庭俄頃環柱走誤擲督亢圖可惜將軍首蕭蕭

易水流朔風鳴枯柳

長虹駕西郊野雉飛南陌一片桑乾月曾照張華宅流  
水齧崩崖白榆接荒磧美人為黃土流連風雨夕

黠鱗上几案書帙任盤旋飲河才滿腹得意恣點儂感  
此弄瑤瑟清風吹素絃谿流春水去雲向遙岑還願言  
守雌伏風雨托數椽

北平昔戰地荒草駱駝羣射石沒深羽封侯乃無聞功  
成歎數竒空憶舊將軍雁下丁零塞天空碣石雲古人

不可作樵牧唱斜曛

暮出東郭門朝遊太乙祠  
五陵多豪族客子自忘饑  
東月生首陽泠泠入羅幃  
揖彼孤竹君長歌將安歸  
牛羊下夕嶺風花斷戍旗  
我欲隱茲山薇蕨恐已稀

驅車好風日路遇王方平  
驟龍迴雲蓋晞髮弄瑤笙  
慰我藜藿饑授我以青精  
忽凌紫烟去逍遙上玉清  
樓角散霞綺天風聞鶴鳴  
還顧烏皮几我欲學長生

燕市有美女容色閒且都  
十五髮覆額賣酒正當壚  
釵

上飾金雀環下綴秦珠結褵嫁王昌翩翩贅壻殊東鄰  
女及笄明月照羅襦四月鶯花老感此長歎歎人生乏  
良媒何如棄路衢

題崔白枯荷落雁圖

湖渚氣森爽清霜萎草木菑苒苒凌晨風半倒陂塘曲天  
光忽破碎繚繞驚遠目叢樹寒日薄鬱鬱山之麓野老  
行空澤葉乾踏平陸一雁下孤渚野廓水痕蹙四顧失  
其羣長鳴媚幽獨健翮鏖涼颺稻梁耻家鶩寧投別浦



棲勿為弋者逐素壁耽竒賞沈塵駐車轂問誰繪此景  
畫理清且淑凌風歌招隱秋聲卷茅屋

書石田詩集後

石翁不羈人騰蹕詫豪唱闔閭佳山水懷抱足幽曠修  
竹叢一軒湖光枕清漾陶謝快同遊述作勞意匠海內  
走盛名脫畧晚卿相條然八十年布衣得無恙追昔仁  
宣間詞場聲價壯乃知出與處遭時為有當袍莽平生  
交擬之陸魯望

雨過閒坐詠懷

蕭晨不出戶取次繞廊行  
靜意忘巾櫛微風動簾櫺  
僂  
紹砌上花睇笑吐繁英  
采采畏花疎以我濩落情  
鄰樹  
敷濃陰炊烟斷復生  
鍵闕若深山兼隱更何營

夏雲低不定晴雨爭一候  
逐景成欣賞披襟忘孤陋  
意  
恬撫素絃松風決簷溜  
槩礪花藥深窈窕峯巒秀  
緬昔  
在丘園禾秫理耕耨  
登枌瓜李熟漉酒新  
芻就安得謝  
塵嬰歸守環堵舊殘暑  
生微涼寤歎坐清晝

春郊尋花

岸欹樹半拔，落花散清渚。  
停車垂楊陰，屐齒饒有取。  
風細林香定，雨歇峯翠吐。  
交交春鳥鳴，數聲出叢莽。  
素襟自澄鮮，委懷念儔侶。

春暖杏花繁，數株村籬外。  
展席移半晷，悠閒擬良會。  
篠石雜流水，詰曲相映帶。  
野雲垂人頂，柔風束林籟。  
垂罽漁境寬，坐枝鶯意快。  
忽忽花欲謝，狡獪春無賴。  
過隄叩禪關，路紆一溪界。

城西溪上

翠微峯未遠，蔽虧悵林木。况復空濛雨，冥烟散川谷。撰  
杖沿迴溪，時時縱游目。籬欹棗花繁，鳩鳴桑椹熟。殘筍  
遺廢堰，雜蔓垂平屋。前圃桔槔音，驚起水立鵠。埜老坐  
井欄，牧童挽耕犢。地僻風自閒，無人駐車轂。因之思濯  
纓，高歌滄浪曲。

和劉木齋飲酒

雪涿未足嘗，易酒爭置醪。茫茫寡正味，清濁理多誤。乾

辣不諧俗蜜甜喪厥素究無荷鋪埋但遭生瘳怒自有  
真一法釀之得深趣髯劉青州人從事逢其故愛飲半  
蕉葉妙理頗冥悟十斛壓官囊三日糟林注香活撥窪  
樽乳清瀉瓦具滑稽腹如壺屬車惡客赴自慚督郵鄙  
還謂晏嬰御相期醉為鄉麴生漫相妬

病愈早起成詩

雨過庭翠滋一鳥發清籟披衣趁朝曦晴光相映帶西  
軒青嶂疊縱目收晷靄統廊取次行心神頗融快佳客

時過從締袍迎戶外憑几理素琴焚香誦梵貝

由慈壽寺冒雨至摩訶菴僧房小憩

苔破屐痕淺細泉濺曲徑向午雨未歇風浣竹樹淨雷  
轟西嶺圻烟濕東原暝空界禪房深幽梵聲相應玉女  
窺花笑蒼虬覆瓶靜沉冥旨未諳簷下一僧定漸使性  
情逸遂覺塵慮屏遙禮孤峯雲天空自游泳塔院廣蘿  
蔭餘雷偃松聽停策未擬還冷然發清磬

除夕雜感

燈火照樹杪雞犬鳴檐間今夕亦何夕殷勤守歲殘中  
厨煮魚蔬為我具盤餐窮年如茹茶草草聊追歡出戶  
視明星垂垂北斗寒更鼓且勿過哀絲不須彈庶幾盡  
杯酒展坐夜漫漫

廁名丞相掾妄覬丞相憐桃梗與風萍閱遭棄捐官  
府受鞭箠奴隸有俸錢安置未安帖忽忽踰六年妻孥  
不解事致詞頻來前俳優乃大隱執戟是昔賢謦聲出  
金石鳴鳴何謂焉市駿凡人目失路嗟迤邐遭况淪軍廩

中何日牧春田  
羌笛與秦箏  
淫聲沸耳邊  
縱有太古琴  
誰為撫清絃

癸丑

嘉靖三十載曰維癸丑歲闢門策賢良垂衣崇文治余之高王父初賜進士第朝廷重制科當途無拘忌厥官領度支分曹佐會計是時太平久邊陲晏無事泉刀克天庾來牟貽民利出入合香署馭歷絕流弊清風吹衣袖脫畧睨權勢伯仲伊呂間事業隨所致一百二十年



遺澤引家世往昔受庭訓一一今猶記忝竊郎官末  
司又其地宛如睹弓劍登堂拜祭器中有兩軒楹槐椿  
積雨氣西山收眼底暮厯生蒼翠殘碑巋然存剝蝕無  
姓字先後簿領同所悲時會異頻年憂水旱草野多凋  
敝州縣吏如虎絲穀從何出錙銖貢城闕鞭撻迸涕淚  
誰為監門者繪圖一破例況今又用兵蜀楚警烽燧暮  
府集材官四郊按戎轡蕭曹在行間轉餉無告匱錢刀  
亦瑣細民命實所寄鞬鞞分臂指鼓車駕騏驥譬如操

短檝滄海安能濟昔人才不薄乘時視遭際同儕誇觜  
距沈首慚祿位眷言思舊德嗟哉難為繼

四月同晴峯方山遊西山晚宿黃中丞山莊

納納西郭路畧畧西嶺烟衆峯不可數高下來我前主  
人能愛客十日山中眠暮宿桑乾村曉躡翠微巔幽意  
茲能愜淹留未擬還

杖策歷山椒雲迎嘉木稠馬行欹路緩雨過如涼秋林  
端出午鐘鳥道招提幽石磴迴松杪修竹覆泉流我愛

退谷深真隱復何求安得結茅宇散髮坐林丘

山行十餘里山勢抱平岡寺路多詰屈溪樹總蒼茫  
纍何王陵石馬已全荒踟躕百感集哀湍激清商  
摘花插帽側勿使心神傷

來青開重軒閒雲多橫陳夕光生返照一抹入城闈  
野風斲旂牛羊下荒墩林缺月光吐欲歸復逡巡  
遙識新豐樹還想武陵津何時續勝遊山高水粼粼

夏日雨夕同紀職方孟起飲張農部晴峯園亭

青嶂羅鮮雲游氛冒夕霧苔長屐齒滑衝泥托幽趣高  
館何蕭疎篠石紛無數佳人渚嶼間琴樽倚嘉樹所得  
良自然豁達少瞻顧脫我烏角中小酌花深處移席趁  
晚涼聽笛縱逸步山風自西來吹下藤蘿雨塔沫漾清  
渠茗香飲花露須臾晦色開海月漸遙吐安絃操猗蘭  
流連屆薄暮

再示孟起

停杯歌慷慨君自章江歸袖攜彭蠡雲迎風弄清暉結

夢落天末鼓輦聲猶悲長日烽烟高空山薇蕨肥丈夫  
肯乘時安用雌伏為昔入銅馬門交交黃鳥飛今飲新  
豐酒花露上人衣載吟無渡河迢迢素心違

乳燕和曹升六

僻巷栖數椽花砌樹深柵雙燕爾何來同作僦舍客簷  
靜蛛網懸巢定香泥積其雌掠水迴風軟紅襟濕其雄  
飛且鳴呢喃石欄側環顧若有屬卜築意良違錯比玃  
瑁梁豈論王謝宅匝月得四雛黃口待哺食草菁羸蟲

肥野曠風雨逼差池羽毛豐銜花落中饋主人方病肺  
鍵戶苦岑寂盆榴綴小紅沼荷浮圓碧烏衣相流連對  
之慰晨夕矯翼海壖濶回首榆枋隔社後還相期舊壘  
長護惜

送徐方虎編修歸湖州

田巴兀老蒼背距斂雄鷲閉門類縮蝟檢身日凋耗往  
昔學著書志欲窺窾奧所愧受才薄冥搜寡登造小草  
浣京塵面顏耻嘲噉譬彼骨駱馬識路難騰蹈寧甘平

子愁敢效漆園傲太史枉我廬展坐相慰勞偽體為別  
裁鼓吹愜微好胡不辨薰猶無復問衲鑿當今求侍從  
紛紜難具道東馬嚴枚輩述作傷剽盜先生本詞傑大  
雅鎮浮躁芬馥生蘭苕撫拾及苻芼知音良足希追歡  
釋悔懊蘋末秋雨夕悠悠理歸棹磊菟道場山千峯遠  
相導下若新芻熟蠟屐何時到置酒臨河梁涼風吹烏  
帽

縱鶴詩和黃方振

蒼鶻颯英姿拘孥來薊北長絲繫老拳土花垂斑脊黃  
子頗放達見之三歎息何如任飛掣縱此凌霄翮中庭  
乍脫鞬迴顧輒驚魄樹動簷禽喧山疊晴嵐夕塞雲忽  
四垂茫茫天風黑側腦溟渤寬萬里同一色余聞縱鶻  
喜豈慕冥鴻弋殺機不可伏嗟哉攫肉食

聞謝方山自江右歸却寄

晝長雨初歇晴樹如膏沐晞髮坐亭午好鳥啼修竹吟  
望追疇昔懷人悵幽獨渺渺章貢水使君縱遊目彭蠡



野花紅康郎春草綠成壘接江尾烽烟徹山腹知君減  
騎從瘡痍採謠俗暇日更流連題名徧巖谷

再與方山

少小同里閉老蒼客京雒邸舍時過從雕搜窮繚郭委  
懷在山水眼底收廬霍不敢薄今人大雅豈復作所恨  
知己希讀書厭糟粕人日梅花開擁爐少束縛酌酒運  
風斤我鼻無漫壘脫帽恣狂呼一飲盡十爵四野奔塵  
沙長風捲鷗鴉忽忽行旌發寶馬黃金絡匡廬百丈峯

奚囊定不薄親串今攜手臨河登高閣雨濕鹿角關  
柳蒼皮籜厭次尋荒祠獨弔東方朔濁流誇背距斯人  
誠落落上已罷文酒午日無花藥早來續勝遊騎驢上  
山脚

初至水關有作

賤子苦行役數載如飄蓬念舊增感慨驅馳事不同稅  
駕水之濱碧沼凌春風盤渦浮一鳥飛飛西復東竹樹  
夾岸側素心將安從是時正多壘徒御憂忡忡東帶畏

簡書謀臧慎所終

臨風一高唱流雲駐山巔塵飛野日黃樹密村鳥還農  
家趨東作將耕原上田大布短轅車畚鍤置其間縻綵  
軋軋鳴社鼓聲相連感此甘所役節物閱推遷展坐河  
梁側斜日明遠川

村西看杏花晚至廣恩寺

出郭五里餘芳甸恣游衍不知春淺深翛然馬蹄遠翠  
微有數峯峯態何婉孌安得同衆鳥矯翼凌絕巖名圃

花百株繁英紛難辨席地自怡悅蹴茵飛觴轉水涼酒  
力微風定樹香善登臺縱遐矚烟霞續復斷日蒸山氣  
流沙平磧草短塵居苦物役良會歛忘返舒嘯學古狂  
吾徒似嵇阮

出郭沿河堤至仁壽宮登高閣回坐道院同蔣

郎中茶話

曝雪生虛白野風疏駘蕩欵堰窸窣入犇崖詰曲上馬  
路散幽吟遙情寄高爽仙院翠靄分松籟流清響其陰

有斷碣摩挲結遐想  
霄鶴飛復迴紫芝摘  
還長危閣探靈閱  
理策謝塵埃羽衣凌  
虛空泠泠自來往  
東臨渤海寬西矚  
峯巒朗蘿室暫憩  
暝裴回揖石丈邈  
焉寡吾儔逍遙恣  
欣賞

景陵

溪窮山脚轉  
蒼巖巖停車  
轍石罅聞雞  
犬村烟出叢  
樾寢殿何蒼  
涼頽垣遺岌  
業玉盃風雨  
迷翁仲苔蘚  
沒榛蕪孤晝  
啼禿松花夜  
發奪門奚營  
營功罪同淪  
滅歸然忠

肅祠俎豆未消歇嗟哉土木變興廢兩奇絕歎息此荒  
陵疎林吐纖月

晚投卧佛寺宿

峯銜新月黃雲擁山容變深谷一鐘響蔽虧烟樹斷樵  
人語前浦古寺挿幽澗偏塞防馬蹄嘹唳聽鳥轉翠滴  
衣衫重松黑鼯鼯竄疎燈出深竹依微露紺殿井欄摘  
莢葵僧厨供茗饌偶來訪支遁吟棲有餘戀夜半大壑  
鳴風雨四山亂

由山後佛庵步至退谷尋水盡頭

晨起忘盥櫛埋策山腰路雨踈衣未濕雲薄峯還露活  
活神泉湧孃孃春華吐忽聞山鳥鳴磔格穿叢樹安得  
共飛翔釋此冥鴻慕巖下亭榭幽坐酌花深處澗口逢  
漁人欲泛桃源去

大通橋行 并序

橋之役以歲程春冬率無事惟夏秋疲於衡量轉輸  
日數萬斛猶恐負殿役而勞宜也顧念車戶陰雨輦

載減其額廩困矣而南北軍吏將漕數千里分風擘  
流艱且倍之因惻然心傷作大通橋行役竣鑄諸石  
用告來者云

丙辰孟陬吉

天子坐明堂命雲螭蟲臣曰逞督橋梁歲需百餘萬轉  
輸漕白糧初出城東門河水流湯湯公解四五間槐柳  
鬱相望簿書次第陳掾胥競趨蹌移檄向水衡築濬通  
舟航跳波轉推尾陘塞預隄防土輒涂泥圻畚鍤千夫



強粟米印山東粳稻來江鄉版船束閘口屹立如堵墻  
官囊押硃字符牒遮飛揚忽念東南民何以勸輸將追  
呼在有司鞭扑泣路旁嘉禾生隴畝擺極連界畝田婦  
無完裙農夫餘鶉裳辛苦烏敢辭耕鋤習為常前年遭  
水旱井里多流亡但免官府怒那復思蓋藏兌糧上舫  
艫風雨欺颿檣舶趕有健卒供給襍篚筐黃河水崩奔  
千里接混茫一船溺洶濤如馬脫轡韁一船雀鼠竊剽  
肉誰醫瘡交卸填天庾無乃太張皇橋口地盈尺摩夏

人畜忙軋軋車萬兩排米千萬行夏秋十日雨泥滑沒  
駝航爭門石闕塌折軸轅牛僵上官傳急符措逋干王  
章有吏苛如虎怒臂抵螳螂嗟哉魚中鉤吞噬安可量  
車夫無符籍潛逃避禍殃招集尚不忍况乃施桁楊誰  
司轉運者出言摧肝腸撐突百丈松聽事臨城隍池沼  
唼遊魚草樹鋪高岡輪蹄日倥偬風花空迴翔戎馬未  
銷歇郡國需糗糧司農屢仰屋會計薄孔桑緡錢箕間  
口鹽鐵毆估商矧此惟正供制作本精詳徵錢代徵粟

訐謨罔不臧豐年米價賤入市如糝糠賣牛還鬻女殖  
首歎牂羊籌畫定新例琴瑟勞更張小臣同箕斗不可  
挹酒漿泥涂懼顛躓譬彼無相盲庶幾米風者聞之心  
悲傷寒宵為此辭冬日朝在房

結用昌  
黎語

田君綸霞分司大通橋事既竣賦詩一篇刻石官廨  
予讀之悱惻深至有大東之思焉昔少陵覽元道州  
舂陵行示官吏作謂得結輩十數公落落然參錯天  
下為萬物吐氣予于綸霞亦云若其詩格在元杜伯

仲之間視白太傅秦中吟不翅過之世自有知者予  
故不具論云王士禎

北山黃門招至中頂觀蓮分夕字

雨晴野色佳纖埃淨葛綌阡眠郊樹濃合沓野烟碧日  
午荷氣蒸花房皆半坼移觴臨上風清馥襲巾幘細細  
菰蒲青漠漠水禽白沿谿眺平楚高柳插岸柵古寺面  
方塘空廊蟲鼠跡僧出尋菌還長鏡安廢壁名園五里  
遙馬蹄不能惜莎隄跨畧約蜿蜿一百尺石欄林影黑

水閣涼陰夕城雀忽亂鳴晚堞森旗戟遲迴理歸策山  
村日脚赤

白溝河沽酒作

寒山瘦欲拔細雲膠不動野濶天四垂峯轉以目送林  
疎一村出壞垣怪鳥哢葦刈泥已坼霰疾溪半凍向夕  
撲衣裳戎戎雪花重予予禿尾驢指直強羈鞚酒帘署  
大布醅熟鳴春瓮沽飲只三合聊用輒脚痛

晚行至雄縣

大雄屹山脊夕陽穿其脇歸雲凍似束我行與之接  
柳撐空腔涸溪黏敗葉積籬絡丹竇簷夫披白氊十里  
瓦橋關人烟快稠壘埒難膈膊思秣馬蹠躐投憇向  
燈火取給頗幽愜佐飭煨芋魁暖湯拾豆莢朔風捲重  
茅小屋如行牒

趙北口

淀尾水四圍樹塞趙北口晝晦寒鷗鳴湫乾撲朔走烟  
花忽破碎畧約跨斷阜哀湍自崩奔北注迎馬首突兀

兩峯交中凹如杵曰太白枕其巔滹沱纏其右朔磧葉  
蚤脫鼓越復何有燕南風日柔濃綠拙高柳涼燠判百  
里苑枯感林藪

同郭廣文登千佛山

出郭二里餘雨晴疊嶂曉杖策只緩行不知入林杪  
篠松磴細披翦石棧杳振衣最高峯送目皆可了人家  
萬柳陰湖面一鏡小鵲華爭峭拔衆峯凌天表佛閣嵌  
虛巖薛徑穿叢篠谷口淨無雲偃仰看飛鳥

孤亭縛山腹中有一指泉淪漪下奔崖遠注如長川斜  
日風蕭瑟返景何澄鮮松篁響迴谿泠泠拊清絃灤源  
盡狀流茲水乃巖巔老衲揖客入松箬浮厨烟檐花襲  
巾情幽禽鳴我前

華不注

水滙如凹凹茲山乃掌拄一峯矗太清不與衆峯侶離  
離螺髻垂翠綠淨可數雨櫛石髮細雲裂松髯補天風  
吹我來理策歷半塢蹠躡盤徑幽窈窕竒花吐企脚筋



力微兀坐思翮舉上界傳梵鐘採藥探瑤圃騎鶴伊何  
人嗒然聞笑語

昔聞謫仙人曾此一振衣千仞青芙蓉蕭颯揚清輝赤  
脚不可尋烟雨何霏微御風凌絕頂猿鶴時相依上接  
天漢津片石見支機瑤臺終杳冥日斜照靈旗安得攜  
長鏡去劔黃獨肥散髮俯灤川悠悠素心違

翠微寺

詰曲歷石齒沿溪樹溟濛招提門何向陂陀無人蹤峭

崕立萬仞惆悵林路窮  
豈知披榛莽紆迴流水通  
一僧出汲水竹屨行相從  
長綆下深澗割豁驚潭龍  
浙浙石湫雨泠泠  
葛花風前循畧約去木杪聞清鐘

山脚晚行

水樹色相映淨綠生衣裳  
日薄無倒景石髮有冷光  
前入翠微寺今過黃花場  
村名俞行夕忘返纖月吐東岡  
古髯喬松下罌罌如北邙  
林昏叫寒鷗風颼響枯桑  
俛仰今昔人千載心房皇

黃花場

風吹橡樹寒日抱柘潭靜出尋麋鹿跡窈窕無人境不  
過黃花場那知山寺徑

喜舍弟入翰林

此事亦平常詎意我無分緬昔甲辰春妄擬雲霄近大  
繆竟不然才薄天所靳降心作選人待綰百里印俄焉  
丁未夏失路誰復問改署舍人銜身以異途進例克書  
記傭可憐食餘餒操筆隨掾吏賤棄猶土糞尺牖寡寸

勇三鼓終莫振閱歷六七載中逢月四閏一二同年友  
東觀標才俊自誇文章伯氣羸言語紊逞逞遭詬詈淚  
下輒暗拭乃知翰林貴如墻高尺伍君今為此官勝于  
理大郡與君本一身胸臆釋懣憤努力崇令德讀書事  
堯舜

述懷上朱大司空

協洽散淑景炎風歎午夏躡屩埽門庭蹇嶮策短駕自  
顧蟻垤微渠敢陵崇榭手板方倒持絺衣不掩髀滂葩

無本禪街塵駮可跨袖詩謁張韓睚眦屏猜訝夫子國  
元老舉稷美流亞縱縱響鶯鑄疊疊吹蘭麝憐予事槩  
鉛志欲窺鮑謝挂壁白木鏡緯蕭青鐙夜窮年苦斲輪  
糟粕何由化一作執戟郎久荒樊遲稼汲古無修綆韞  
擯豈善價埒塞鬢毛蒼強弩魯縞射

催捉公府辟光刃疑照硯詞場百斛鼎力扛本無能大  
海拔鯨牙刺手心不寧捐操固其宜濩落逐流萍譬彼  
撞鐘簾胡為操寸莛髻插牽牛花紅頰長眉青待嫁乏

良媒何人惜娉婷

虞衡忝微秩何異魚中鉤恂愁署紙尾俛仰同贅疣羈  
雌儒冠誤始悔談孔周酸寒守株槩道涂良阻修官解  
躑躅花拳跼不自由向人寂寞開風雨長淹留燕角雜  
鄭刀妨竒與盧矛終歲所頒賚職司日雕搜誰謂事瑣  
細鮮不闕訐猷金錢重搏節纖毫慮愆尤紛挐簿領間  
只作繞指柔

珊瑚百尺長清光照池閣復聲雲霄迴寢管絃作自

昔聆警欬輶較擁鼓鐸道體闕飛動長風蕩寥廓乍聞  
護喏軍趨起難企脚夫子愛古人今人亦不薄往往閱  
羣材百鷲薦一鶚儒生顏怵忸老夫懷抱惡可堪久縮  
蝟尚比求伸獲受恩自愧始顧羣空騶駱希酬國士知  
萬古思開拓

古歡堂集卷二



欽定四庫全書

古歡堂集卷三

戶部侍郎田雯撰

五言古詩

咏史

木罌方渡軍辦士奉燕書井陘拔趙幟下城五十餘可  
惜成安君不用李左車白馬蜚狐間壁壘爭馳驅引兵  
東擊齊肯讓一腐儒酈生固遭烹未央復何如

張倉定章程叔孫起綿蕞封爵盟誓詞丹書藏石室諸

王吳芮存列侯恩澤竭開國六七年功臣遞滅絕誰謂三尺劍規模本宏達

四皓羽翼成如意迺鳩毒諸呂南北軍幾使漢祚覆快哉朱虛侯非種鋤產祿代王西讓三宋昌參乘轂胡為太尉勃請間行赳赳未知安劉功前後究奚屬

春秋譏世卿封侯何太頻魏相屢上疏用意良苦辛徐福受恩澤上客復何論原來光妻顯不欲全功臣

班彪真通儒兩勸歸漢紀兒固與女昭千秋稱良史賓

客典文章乃為實憲死火德赤伏符名識四七起國師  
誠自誤亦是劉向子

關西楊夫子大節實崢嶸如何觸鄧鵠嗟哉夕陽亭緬  
彼哀帝時王嘉同此情

汪汪千頃波是為牛豎兒一時荀與陳樊藉有美辭李  
固少好學負笈遠從師壇席召樊英謗毀輒交施可否  
夷惠間君子之所宜嶢嶢易缺汙盛名矣以為黃瓊拜  
議郎何似東岡陂

盛名世所嫉曹節起釁端獨有墊巾人不受異患干張  
儉為亡命投止生波瀾何如自剪髮身居林慮山緬懷  
昔戰國擁篲以盤桓卒成坑儒禍為之發長嘆梁碣同  
傭隸屏跡申屠蟠

驚官開西園入錢各有差崔烈本名士皇皇問其兒在  
昔孝文帝鼂錯為此詞克斥武功爵紛紛元狩時弘羊  
置平準入粟實京師

鐘鼓鳴雒陽芒阪如鴻毛英雄據河朔旌旗風蕭蕭按

劍乃何人側目叱其曹天下多健者豈惟董公豪懸節  
上東門長揖橫佩刀

漢中羽檄馳飲博且優游費禕真才傑况兼琬允流本  
根既寢哀未雨失綢繆蜀人苦用兵仇國傷譙周

陸抗荊州牧江左才不羣其子善文辭乃有機與雲嗟  
哉華亭竊無殊上蔡門射蛟周魴兒誓死真將軍

侍子在內地元海雋異姿隋陸無武功絳灌寡文辭西  
域樹機能都護涼州師五部多豪傑洛陽一健兒

賣李鑽其核持籌笑王戎獎拔三語掾寥寥將無同狗  
尾貂可續錢神孔能通城門銅索駝會見荆棘中

王衍自清流狡黠營三窟石勒兵一至排牆空乞活江  
左耻偏安新亭長歎息銀研柘枝弓記憶猶恍惚青衣  
行酒人傳宣不曾識

伊喔難夜啼起舞聲清越祖生先着鞭中流復擊楫習  
勸運瓠甌此志彌激烈典午政寢哀諸賢腸內熱

此輩束高閣庾翼稱知人岩穴辭徵辟虛譽托隱淪咄

吐書空日鬱塞何由伸  
北伐懼慘黷蒼生不可論  
可笑深源出神州終陸沉  
閑閉達空函管葛固其倫

述懷呈王茂衍先生兼送之蜀

亭槐高百尺立壁頗竒峭  
朝來雨一沐淨綠層軒照  
馬融舊生徒函丈領談笑  
追憶授經初登堂髮未燥  
讀書嗜茗歎許身登廊廟  
別來二十載坎壈歷壯少  
病翼遭糲黏平生多錯料

斲輪苦未歇昏燈半夜丙  
短綆疆汲古詞場悔馳騁  
繭

身類眠蠶鍵戶如管井避人防面顏慮使怒生癭座末  
水曹郎俵俵溷簿領鶴料何從丐龜饑輒自省官同易  
水寒蕭蕭夕春景

紅旗風颯颯鼉鼓聲隆隆棧道跨秦關涪江盤川東白  
鹽赤甲山拔地摩蒼穹官閣東峽口直與夔門通雨後  
茶蘼花吟眺酌郛筒吏散簾櫳靜兵銷烽燧空滾西杜  
甫宅千載尋遺蹤

青門月敦牂西眺香山嵐鼠姑開已徧婪尾正清酣兩



和移居詩澄澈如秋潭愁來百回讀倒蔗破霜柑玉溝  
千楊柳淙淙水拖藍安得凌長風吹落天西南所願擔  
笈從剪拂停車驟

夏日雜詩

儒說鑿戶牖六籍懼多秦灸背倚糟粕哆口生輪困奧  
突闡洙泗高論追前民班揚馬鄭徒文章詆疵醇借問  
灰燼餘何從識勞薪空作井蛙喜大海無涯津

腹容數百人睨世盡鼠肝摩壘陣堂堂掉臂尋古驢混

茫入絃且獵道良獨難三梟敗擣局九虎守天關寸勇  
未可賈尺懦已蹢躅畢生才一炊涼燠嗟跳丸

鈞樂黃鐘鳴調非牛鐸比杜韓盛元音天外鳳皇髓俎  
豆蘇與黃劍南信孀美江河萬古流謗傷羣兒鄙我得  
爨材琴清絃弄不已雅操彈履霜淨洗箏笛耳

鍵戶寡車轍屋角鳴畢通晨夕寤炊玉龜腸轉嗚嗚搯  
頤懷曩哲蹙然來座隅斑斑牙鬚雄文采如於菟寤寐  
情莫愜垢癢思爬梳面骨瘦崢嶸覽鏡空嗟吁京朝富

貴人肥白如瓠壺

有客臂鷹來大笑，儒生腐坐牀索酒。嘗袒衣鸚鵡舞，拍張前致詞。獨行太踽踽，其首如飛蓬。墻下飯五殺人，皆食薺甘胡。為耽茶苦煩胸，為澆潑唱予且和汝。

我鬚但數莖，藍髮苦不長。安得磔蝟毛，凌風森開張。白袷嘯松下，掀捋清且揚。坐客似桓伊，吹笛淚沾裳。面色紫石稜，牽黃臂老蒼。出關衝風雪，射虎南山陽。

伊優乃何為，骯髒亦未敢。蝸牛廬一牖，細若闕天管。曲

肘次山羞折腰元亮免無才見事遲逃名善用短學仙  
讀道書說鬼供茗盃狂疾每復作安得遇和扁

夜夢同卜式慷慨去輸邊各以十萬貲爵位相蟬連諫  
議大夫尊富民侯亦賢醒時輒自笑空索無一錢鼂錯  
首上書其說至今傳漢代西園例徒為貧者憐

官船行

江雲飛擘絮江水日春簸曲阿瞰長流清駛不可唾我  
編橫其中龍驤萬斛大長年百丈牽篙師非一箇睚眦

前致詞行軒使者座此船初有二帚拂不敢浣簫鼓狎  
中流欸乃遮相和夾岸唱黃頭帆腹飽風過揚子江南  
北春水天上坐官粟支縣倉工廩有郡課吁嗟全盛時  
泊趕力擔荷軍興供戍卒用船似馬馱牒來取其一留  
一亦可賀所苦歲月遙風雨蓬牕破裁租克芻糧舟子  
悲寒餓監守弗卻去如彼蟻旋磨月明蘆花白秋老楓  
葉墮長鬚赤脚者船頭日僵卧使者聞其言歛欷情無  
奈于役今昔殊軒騰忽摧挫銜尾舴艋來鳴鑼齊捩柁

金方口人三  
卷三  
黑夜呂蒙城瑟縮吟楚些

由石蹟抵黃湓二首

兩山相爭高流霞落天外石髮綠一握澗草卷如蠶風  
雨日披薄半腰分青靄小鳥翠色佳格磔出松籟肆閱  
延清野微颺吹衣帶

綿濛亘數里崿流分在掌津逮亦紆連烟寺遙相向參  
差橘柚垂深淺溪山上沙鶉背人飛竹雞穿林響寄栖  
可憑襟遐思不周賞

食椰子

椰子大如斗形圓而色赤剖以切玉刀活活流漑液篋  
蠹自何來羣客恣啗醋或云似蜜酣或云如乳白疑是  
楚萍實矣嘗秦人炙珠厓蠻子村累累垂秋陌峒女纏  
罽衣上樹爭採撫醺人名椰酒其味敵醇醪我亦隨客  
嘗醉似飲一石大嚼過屠門壘塊填臆膈薑桂違俗尚  
辛酸只自造那能徇衆嗜供彼老饕噬我作椰子詩才  
麤語狼籍有客怒生癭眼白望天碧

雙蓮寺高閣晚眺 試士

千疊皖山嵐四圍  
皖江水白塔與紅亭隱見烟樹裏  
大龍如笠圓小孤一拳耳  
稻雨石碣傍蘋花縱川尾渺渺  
二喬宅但聞漁唱起

搗袂一長嘯半空  
鸞鶴吟元氣抱空冥  
人代閱古今寒柳媚江滸  
枯荷翻水禽烟際黃篾舫  
岸上斜陽岑涪翁  
去千載松石無賞音

芙蓉花正開參差秋水邊  
衆卉半脫窈窕何澄鮮  
思



招釋寶誌米米凌江烟曳杖狸子峯行歌自流連城角  
烏尾訛歸借僧房眠

阻風和湯西厓惠元龍聯句

朔風烏尾訛河冰合冷夜斷渡鴨嘴膠強弩我舸駕自  
卯牽百丈泊酉未一舍銜尾旗脚凍解事黃頭卸檝卒  
打層冰一軍俄噉喏隸僵停鞭撾官縮空啞咤挽暮事  
亦僻賤天風不借春撞老蛟窟潑刺僵魚鱗移登小牒  
子蓬牕短沒勝于後雨雪候程才娉婷嫁

時試淮  
士回

難辭

微癡求寧甘廣顙  
嘖懦懷類茹茶嚙  
語誇噉蔗惠湯稱  
二妙敵寒傾杯竿  
石鼎避螻鳴秦城  
直鎡價連岸叫饑  
鷓鴣隔船敲老瓦  
六花結裘茸柝聲  
碎烟樺齋作洛生  
詠側學魯縞射束書  
少懶祭防人受鼠  
嚇與君醉復飲十  
爵不一赦西南三五  
星垂垂柁樓瀉捉  
鼻悔自昔故態  
狂復乍田巴兀老  
蒼鼓勇一戰罷曹  
鄆淺陋爾敢爭齋  
楚霸摩壘且策勳  
激昂臭腐化

原唱

朔風釀寒天  
飈粟吹半夜  
雲壓雲意濃

元龍冰

澌浪頭駕篙師如縮蛭膠艇等縛舍

西

旗翻烏轉墮

弓撥帆倒却力挽十步前鉅動百夫

元

龍淒入怨女

吟氣激猛士咤橐籥枋不司吹噓力誰借盤空怒號

竅

西

入竇巧尋罅情騰蟻在穴覽躉蟲行勝

元金石

日撞菱衣裳歲贈嫁聊當慎眠食具物浪號嘖湯圓

石銚珠香滴小槽蔗清宜愛烹噍寒欲近杯筓圓瓷

玉同溫

西

寸炭金抵價堆盤芼寒蔬鐫器夏老瓦五

白互爭泉三條續燃樺

元

龍嬾媵嵇康鍛蕩供李廣射

西羞為蒼蠅鳴寧受腐鼠嚇元舌本冷愈蚪詩械窘

不赦要將骯髒意西浩與霜霰瀉燈檠坐欲燠更鼓

打亦乍麾幢子前收元旗鼓我尋罷魯衛既同政齊

晉孰繼霸一笑正甘寢遽然莊蝶化西

贈吳園次五百字

紛吾紫薇省小鳳官不惡上下數百載大雅何寥廓西  
清署頭銜郊廟盛制作先後豈乏人批敕佐黃閣信陽  
與震川文章走京雒更有吳國倫七字汰蕭弱康熙丁

未秋下詔變班格沈張喬曹汪衆妙爭棲托鬪班青綾  
被判花鳳尾諾或如阮元瑜或如東方朔或筆如豐杠  
或手如金錯吾徒陣堂堂磨壘思開拓肩踵論前輩鷲  
爲誰一鶚園次吳先生斯人才不薄文采老於菟叫嘯  
連風壑班班牙鬚雄豈同小猱猥通籍掌制誥磬欬響  
鶯鑄詞源宋延清詩篇謝康樂往昔嘉靖間分宜勢熏  
灼容城產畸人上疏氣盤礴

帝曰汝填詞所重在謇諤賜以七寶牀張以青油幕毳

琶細腰鼓度曲雜拊搏念奴紅袖舞葛強戎裝著遷秩  
水部郎垂垂官梅落太守領大郡五馬黃金絡高低道  
場峯陰晴雲溪郭墨妙集柳惲窪尊邀沈約蘋洲搗月  
毫秋水淬霜鐔誰謂交趾改偏汚蕪城鶴鹿車一兩歸  
行李擔空橐鮑姑綰鴉髻長鬚貫羊酪解組二十年著  
書康山脚買絲繡平原築金瘞駟駱樂府譜宮商旗亭  
恣歡謔苟存乞米帖手丸却老藥睨世盡腐鼠萬古耽  
寂寞小子在江南寒熱如病瘡持版防背距斲輪守槽

柏先生楚燕來方圓化朽鑿舌本茗椀澆鼻望郢斤削  
況今將休官狂態少束縛讀公紅豆詞下酒盡十爵窈  
窕春蠶絲鏗鎔寒城柝回颿向鬲津鍵戶飽菟藿揚州  
方氏園三月水半涸垂楊數百株舴舺可停泊鼠姑花  
大放蒜菸綠半籜桑落非孤斟曼歌發嘲噓日夕風雨  
來格磔喧林雀

方氏園亭雜詩

欵籬一水圍垂楊四面種入門徑欲迷轉廊花始衆或

紅如淡脂或綠如么鳳  
臍膊鴨浴亂清圓鳥聲  
啁龜殼  
支牀脚泥封劈酒甕  
杜陵据吾廬東野輸半俸

大石坐千人小石絡樹根  
其餘何磊磊高下排幽軒  
上有木香棚無數蜂蝶喧  
不知何峯雲來往自孤鶩  
手覆魚枕蕉靜對已忘言

一花名山樊一草為書帶  
所者在異種凡卉皆可汰  
隘地插藩籬垢面蒙蕪穢  
尤自矜爛滂庸俗那可瘥  
芍藥特地開香艷非常態  
風雨自護惜烟日不崩壞  
娛賞覺



媽然豈但迷下蔡

食書似蟬癡課睡思毀茗索索蕉葉雨治具但說餅晚  
紅天色佳窺園黃鸝請不見輞川人獨上斤竹嶺

食筍

郊屋一瓦廬廬前廬後竹觶觶黃犢肉初生迸墻屋大  
者如猫頭米之似束玉堆盤妃子指飽噉將軍腹江南  
富鮭菜庖厨戕水族車噉雜蟹奴老饕苦不足吾愛綠  
蘄龍產此春榭款持鏡掘勿歇書紙課銀鹿

謝友人餽茶餅

破睡思毀茶六安不傷脾霍山小峴春穀雨吐槍旗妙  
絕官焙法落磴何歲蕤忽餉三百片豈殊頭網遺上有  
赤泥印鞞以青箬皮火爐聽煮湯一二鐺足款須臾蟹  
眼沸薑鹽非所宜土花鷓鴣班柴窰兼定瓷灌頂下跟  
肘兩腋清風吹年來寡嗜好抱疴難撐支腸枯不須搜  
舌乾祗自知感爾分數餅似遇和扁鑿

棲霞山

攝山一名織天闕相伯仲中峯不可辨元氣迷頊洞蒙  
密竹樹交綿邈烟嵐動沿徑防欵石跨澗作飛鞚或俯  
如運甃或立如抱甕或如猛獸奔或如行鰲衆樾實青  
豆垂風作紅鶴哢雨疎如散花雲奇如吐鳳岩腰白鹿  
泉活活清乳凍人代弔齊梁飛鴻以目送

上西河先生

黃河日夜流奔瀾不可砥非善操舟人何以識端委大  
江南北間木饑兼水毀未遇和扁鑿瘡痍無自起五月

賣新絲不聞飭蠶蠶譬彼折轅車泥塗豈合軌從來小  
者廉必自大法始忽有正人出澄源肅風紀烹阿封即  
墨行行避且止

夫子抱道德大雅今始作歷官二十年襟期何落落西  
粵蜀閩地襍被擔空索冰操凜四知清風隨一鶴

帝曰大司馬授之以節鉞豫章兵燹餘三吳膏髓竭非  
公力廓清何以安家室簡書取次行驛路野花發當道  
問狐狸縮避氣已奪入夏草木繁沿江風雨濶夫子稷

契儔卓哉經濟術

賤子一豎儒平生嗜章句讀書多駸昧蹇蹇守跬步承  
乏衡文辭未敢喪厥素視事只數月兩載江干住迂拙  
不自謀頻遭娥眉妬辟如操短檝滄海那能渡母老日  
倚閭未得遄歸去夫子定官評自能得其故修途守株  
槩伏櫪歌遲暮願言勵名節老作郊居賦

古歡堂集卷三